

ԷԶՄԻԱՄՆԻ ՄԱՅՐ ՏԱՃԱՐԸ

ՎԱՀԱԳՆ ԳՐԻԳՈՐՅԱՆ

Քրիստոնեությունը պետական կրոն հռչակած առաջին պետության մեջ՝ Հայաստան աշխարհում հիմնադրված առաջին եկեղեցին էջմիածնի տաճարն է։ Վաղ միջնադարի այս եզակի հուշարձանի մասին նրա հիմնադրման օրից ի վեր պատմական և մատենագրական բազմաթիվ տեղեկություններ են պահպանվել։ Եկեղեցու և նրա ճարտարապետական ձևի հետ կապված խնդիրներին անդրադարձել են ճանապարհորդները, հայագետները ու հայ ճարտարապետության պատմությանը զբաղվող գրեթե բոլոր գիտնականները։ Թերեւս ոչ մի հուշարձանի մասին այնքան բազմաքանակ, հակամետ ու իրարամերձ կարծիքներ չեն հայտնվել, որքան էջմիածնի տաճարի մասին։ Ուսումնասիրողները բազմիցս նշել են նրա բացառիկ տեղը և դերը ոչ միայն հայ, այլև ընդհանրապես քրիստոնեական ճարտարապետության պատմության մեջ։ Սակայն, որքան էլ զարմանալի թվա, մինչև օրս էջմիածնի տաճարը մասնագիտական գրականության մեջ ներկայացված չէ գիտական տարրական մակարդակով՝ չկա նրա նկարագրությունը, չկան նույնիսկ նրա հիմնական չափագրությունները։ Տարօրինակ է, բայց այսօր, պարզապես նայելով միայն, հուշարձանի հարավային ճակատում կարող ենք «հայտնաբերել» հայկական վաղ միջնադարին բնորոշ ու թերեւս նրա ամենավաղ օրինակը հանդիսացող քանդակազարդ մի քար, իսկ հարավային և արևմտյան ճակատներում՝ աննախագեղ լուծված պսակի օրինակ, որոնք մինչև օրս չեն նկատվել, չեն արժանացել անգամ սովորական արձանագրման և դուրս են մնացել գիտական շրջանառությունից։ Գրեթե նույն բախտին են արժանացել նաև տաճարի քիվը, մույթերի քանդակազարդ խույկներն ու որմնամուկների խարիսխները։ Այսօր դեռ հրատարակված չեն բավական խնամքով մշակված մույթերի խարիսխների, մույթերի, կամարների, թաղերի ամենապարզ նկարագրություններն ու չափագրությունները։ Մինչդեռ առանց լայնածավալ նկարագրության հիմնական տաճարի նշված մանրամասները հնարավոր չէ ուսումնասիրել, որովհետև 1950-ականներին կատարված վերակառուցումից հետո դրանց դիտարկումը, առավել ևս չափագրումը դարձել է պարզապես անհնար։

Էջմիածնի տաճարի մասին հայտնված կարծիքները, բացառությամբ մեկ-երկուսի, այն տըպավորությունն են թողնում, կարծես, ասվել են ոչ միայն առանց տաճարը տեսնելու կամ ուսումնասիրելու, այլև առանց եղած կարծիքներին իրազեկ լինելու։ Վաղ միջնադարի ճարտարապետության ուսումնասիրությունների վիճակն ու մակարդակը բնորոշելու համար նույնիսկ մեղմ է հնչում Թ. Թորամանյանի դեռևս 85 տարի առաջ ասածը. «Թող ոչ ոք չի պարծենա հայ պատմության և արվեստների անունով իրրե հետազոտություն գոյություն ունեցող քանի մը ողորմելի հատորներով, այդ բոլորը՝ բաղդատելով գտնված նյութերու անհունության հետ, ոչ միայն չնչին ու աննշան են, այլև իրենց բովանդակած հակասություններով ու աններելի սխալներով միանգամայն աննպատակահարմար են»¹։ Այս մտքի հաստատումը չէ՞, արդյոք, այն փաստը, որ այսօր ոչ միայն Հայաստանի վաղ միջնադարի ճարտարապետությանը նվիրված որևէ ամփոփ ուսումնասիրություն, այլև ամենապարզ գիտական նկարագրությամբ ու չափագրություններով մի գրքույկ անգամ չունենք՝ նվիրված հայ և համաշխարհային արվեստի պատմության բացառիկ հուշարձանին՝ էջմիածնի Մայր տաճարին։

Պատմական տեղեկությունների համաձայն էջմիածնի Մայր տաճարը Գրիգոր Լուսավորիչն է կառուցել։ Հայ ճարտարապետության գիտական հետազոտությանը նախորդած բազմաթիվ կարծիքներին մեջ ևս հիմնականն այն էր, որ գոյություն ունեցող տաճարը Լուսավորչի կառուցածն է։ Բայց գիտական միտքը հենց սկզբից անվերապահորեն մերժեց այդ տեսակետը և արդեն 80 տարի ի վեր պնդում է, որ Լուսավորչաշեն կառույցը գոյություն չունի, որ վաղ միջնադարում այն քանդել են և կառուցել նորը։ Այսպես ստեղծվեց կռահումների, վարկածների, են-

1 Թ. Թորամանյան, Տեկոթի տաճարը, Թիֆլիս, 1911, էջ Ժ։

Բաղրուկյունների մը անսպառ հոսանք, որոնցից յուրաքանչյուրը ոչ թե որոշակիացնում, այլ ավելի անորոշ էր դարձնում խնդրո առարկան: Ուսումնասիրողները գտան, որ մեղ հասած տաճարը հիմնադրվել է V դարում և մի քանի վերակառուցումներից հետո՝ միայն VII դարում է ստացել հաասակադծի վերջնական՝ այսօրվա ձևը, որ տաճարը կառուցվել է V դարում և մեղ է հասել անփոփոխ, որ IV դարի կառույցից ինչ-որ հատվածներ պահելով հիմնովին վերակառուցվել է V դարում, որ IV դարի հուշարձանը V դարում քոնդել են և կառուցել նոր հուշարձան, այնուհետև VII դարում դա նույնպես քոնդել են և VII դարում կառուցված հուշարձանն է հասել մեղ, որ տաճարը հատակագծի վերջնական ձևը ստացել է միայն XV դարում: Այսինքն՝ տաճարը թվագրեցին ոչ ավել, ոչ պակաս հաղար տարվա տարբերությամբ:

Բազմաքանակ տարբերակներ ծնվեցին նաև հուշարձանի ծավալատարածական հորինվածքի որոնումներից: Ուսումնասիրողները գտան, որ տաճարը ուղղանկյուն ծավալի մեղ ամփոփված խաչաձև հորինվածք է ունեցել, որ ուղղանկյուն ծավալ է ունեցել, բայց ոչ թե ներքին խաչաձև հորինվածքով, այլ միայն շորս սյուններով, որ ոչ խաչաձև հորինվածք է ունեցել և ոչ էլ շորս սյուններով, այլ պարզապես եղել է միանավ, որ ոչ միանավ է եղել, ոչ շորս սյուններով և ոչ էլ խաչաձև, այլ եղել է եռանավ:

Գտան նաև, որ տաճարը եղել է առանց գմբեթի, մեկ գմբեթով, հինգ գմբեթով, ներքին մեկ խորանով, ներքին շորս խորանով, արտաքին մեկ խորանով, արտաքին շորս խորանով, առանց արտաքին խորանների, երկու ավանդատներով, շորս ավանդատներով, առանց ավանդատների: Մի խոսքով՝ կարծես համոզված, որ ոչինչ պարզ չէ և չի էլ պարզվելու, առաջադրվեցին տաճարի հորինվածքի, նրա փոփոխման և թվագրման հետ կապված հնարավոր և անգամ անհնար գրեթե բոլոր տարբերակները:

Այս բոլոր կարծիքները ծայր առան այն բանից հետո, երբ ընդունվեց, որ խաչավորչաշեն տաճարը մեղ չի հասել Քննությունը բերում է այն համոզման, որ հենց այդ ելակետն է սխալ, որ որդեգրեցին բոլոր ուսումնասիրողները՝ առանց տարակուսի և վերապահման: Մեր նպատակն է պարզել ելակետային այս սխալի հիմնորոշ պատճառները, ուստի այսօրինակ հարցադրման դեպքում վերոհիշյալ բազմաքանակ կարծիքները առանձին-առանձին ներկայացնելու և, մանավանդ, դրանց առանձին-առանձին կամ ընդհանուր ձևով անդրադառնալու հարկ չկա:

Այսօրվա տաճարը խաչավորչի կառուցածը չհամարելու հիմնական պատճառներից մեկը, եթե ոչ հիմնականը, մեր կարծիքով, հայ ճարտարապետության դիտական առաջին ուսումնասիրություններից սկսած և մինչև օրս ինքնուրույն ուժով փոխանցված ու այժմ կարծրացած այն հիմնական տեսակետն է, թե հայ եկեղեցական ճարտարապետությունը սկսել է պարզից և ընթացել քալ առ քալ՝ բարդացման ճանապարհով: Դա վերաբերել է թե՛ սրահավոր, թե՛ գմբեթավոր հորինվածքներին և հիմք հանդիսացել քրիստոնեական ճարտարապետության ծագման ու զարգացման պատկերի ուրվագծման համար: Ուսումնասիրողները գտնում են, որ վաղ շրջանի հուշարձանները վերջնականապես ձևավորվել են տարբեր ծամանակներում, սկզբնական պարզ հորինվածքներին աստիճանաբար արված նոր հավելումներով միայն, և հուշարձանները պարզից բարդ շարելով ստանում են զարգացման ընթացքի պատկերը: Սրանից ելնելով էլ քրիստոնեությունից առաջ և քրիստոնեության վաղ շրջանին պատկանող, այդ թվում և պատմական տեղեկություններ ունեցող կառույցները թվագրում են միայն V դարից սկսած: Սրա հիման վրա էլ անվերապահորեն ընդունվում է այն կարծիքը, թե Հայաստանի առաջին եկեղեցիները միանավ կամ պարզ եռանավ հորինվածք են ունեցել: Այդ տեսակետն էր պատճառը, որ ուսումնասիրողները, ծայրահեղության մեղ ընկնելով, զարգացման արդյունք են համարում նույնիսկ մեկ ավանդատուն կամ արտաքին սրահ ունեցող միանավ հուշարձանը: Արդյունքը եղավ այն, որ Գառնի հիթանոսական տաճարից մինչև V դար ստեղծվեց մի կատարյալ դատարկություն՝ հանրապետական պատմության այն բազմաթիվ տեղեկությունների, որ և՛ հիթանոսական շրջանում, և՛ քրիստոնեության առաջին տարիներին գոյություն են ունեցել նույնիսկ բազմաթիվ տաճարներ: Ճարտարապետության պատմության այս ելակետային տեսակետը կարելի է մերժել նույնիսկ առանց հուշարձաններին անդրադառնալու, թեկուզ անվիճելի այն փաստով միայն, որ ընդհանրապես համայն աշխարհում և մասնավորապես հայոց աշխարհում քրիստոնեությունը առաջին կրոնական հաստատությունը չէր, և ոչ էլ եկեղեցու շենքը՝ պաշտամունքային առաջին կառույցը: Ավելին, քրիստոնեության վաղ շրջանի ճարտարապետության նկատմամբ մինչև օրս կիրառվող տեսակետը կասկածելի է նույնիսկ ընդհանրապես ճարտարապետության զարգացման վաղ շրջանի առումով:

Մեր ուսումնասիրություններից են տալիս, որ այդ հիմնական և անառարկելի համար-

վող մեկնակետը զարգացման ընդհանուր դրույթի պարզունակ ընկալման արդյունք է միայն, և դրա հիման վրա ստեղծված հայ քրիստոնեական ճարտարապետության ծագման ու զարգացման պատկերը, ինչպես նաև վաղ շրջանի բազմաթիվ հուշարձանների թվագրումները միանգամայն անընդունելի են: Այս թեզն էլ հանգեցնում է Հայաստանի վաղ միջնադարի ճարտարապետության պատմության վերանայման, Իհարկե, խնդիրն այնքան մեծ է և բարդ, որ մի հոգով չես կարող մասնավորում հնարավոր չէ հարցերի թվարկումն անգամ: Այս առումով բացառիկ նշանակություն է ձեռք բերում Էջմիածնի Մայր տաճարը: Քրիստոնեական առաջին այս հուշարձանն ինքնին այն առանցքն է, հիմքը, որով ոչ միայն հնարավոր է դառնում ապացուցել առաջադրված դրույթը, այլև ճշտել քրիստոնեական ճարտարապետության ծագման ու զարգացման մասին ունեցած մեր պատկերացումները:

Էջմիածնի տաճարի մասին մեր տեսակետը, որը մինչև օրս նույնիսկ չի ակնարկվել գիտական ուսումնասիրություններում, հետևյալն է՝ այսօր մեզ հասած Մայր տաճարի շենքը Գրիգոր Լուսավորչի կառուցածն է և իր հատկապես մեծ նշանակություն ունի ծավալատարածական հորինվածքով (ի բացառյալ գմբեթի)՝ հիմնադրաման օրից ի վեր վերաշինման կամ սկզբունքային ռեկոնստրուկցիայի ենթարկվել: Տաճարի մասին եղած գիտական բոլոր կարծիքները, այդ թվում նաև միակ ընդունվածը, որի համաձայն Վահան Մամիկոնյանը քանդել է Լուսավորչաշեն կաթողիկեն, կառուցել նորը, և այդ նորն է հասել մեզ, սխալ են: Մեզ հասած Մայր տաճարը Լուսավորչաշեն շինարարելու և Վահան Մամիկոնյանին վերագրելու վարկածի հիմքում ընկած է Աղաթանգեղոսի պատմության փաստերի ոչ ճիշտ լինելու մասին կամ անտեսումը: Եվ ապա՝ երկու հիմնական փաստերով. առաջին. Ղազար Փարպեցու վկայությունը մեկնաբանվում է իբրև Վահան Մամիկոնյանի կողմից տաճարը վերաշինելու, նոր տաճար կառուցելու փաստ և՛ երկրորդ. տաճարի արևելյան խորանում պեղումներից հայտնաբերված մնացորդները համարվում են Վահան Մամիկոնյանի կառուցածին նախորդած Լուսավորչաշեն տաճարի քանդված լինելու իրողության վկայություն: Ուրեմն, եթե ապացուցենք, որ մինչև օրս ըստ էության չեն ընկալվել Աղաթանգեղոսի պատմության լավագույն կարևոր փաստերը, և որ ուսումնասիրողների բերած երկու հիմնական փաստարկներն էլ անհիմն են, ապա դրանով, բնականաբար, ապացուցած կլինենք, որ այսօր մեզ հասած Մայր տաճարը Գրիգոր Լուսավորչի կառուցածն է:

Ըստ Աղաթանգեղոսի Գրիգոր Լուսավորչի տեսիլք է տեսնում, որտեղ նրան հրամայվում է կառուցել Աստծո անվան տուն՝ Կաթողիկե եկեղեցի և ցույց է տրվում անձնակերտ, աստվածային մի շինվածքի պատկեր. «Եւ ի շորեցունց սեանցն ի վերայ խաչիցն կամարք զարմանաւսեք ի միմեանս կապեցան. և ի վերայ այնորիկ տեսի զմերթաձև խորանադո ամպեղէն շինուած աստուածակերտ զարմանալիս»²: Տեսիլքում պատկերի ընդհանուր ձևը որոշակի է՝ զմերթաձիկ կամարներով միմյանց կապված շորս սյուն, վրան զմերթ, այսինքն, ներկայացված քառամուկթ (կամ քառասյուն) զմերթավոր կառույց է: Սա մեր կարծիքով, իրավացի, նույնիսկ անմիջական նկատում է, որ արվել է մեզանում, թեև, ցավոք, չի ընդունվել և ըստ արժանիության ուշադրության չի արժանացել:

Աղաթանգեղոսի պատմության հետ կապված մեր պնդումն այն է, որ ուսումնասիրողները մինչև օրս պարզապես չեն «կարդացել» շինարարական արժեքավոր և բացառիկ նշանակություն ունեցող երկու բացահայտ փաստ. առաջին. Աղաթանգեղոսի պատմության մեջ տեսիլքում ցուցադրված ոչ բնական խորհրդանշաններ կամ շինության պատկեր է, այլ հենց կաթողիկեի պատկերն է: Երկրորդ. Աղաթանգեղոսի վկայությամբ Էջմիածնի կաթողիկեն կառուցվել է ըստ տեսիլքում ցուցադրված պատկերի, երա օրինակով:

Անդրադառնալով առաջինին, Լուսավորչին տեսիլքը ի ցույց դնելուց անմիջապես հետո, նրան յորվում է նաև ցուցադրված մեկնությունը: Բերենք տեսիլքում ներկայացված պատկերի երկու մանրամաս՝ դրանց վերաբերող մեկնությունների հետ մեկտեղ.

Տեսիլք. «Եւ ի շորեցունց սեանցն ի վերայ խաչիցն կամարք զարմանատեսք ի միմեանս կապեցան»³:

Մեկնություն. «Եթև կամարքն որ ի սեանց անտի ի միմեանս կապէին՝ այս ինքն է հաւաքարութիւն միարանութեան կաթողիկէ եկեղեցւոյ»⁴:

² Աղաթանգեղոսի Պատմություն Հայոց, Թիֆլիս, 1914, էջ 376:

³ Նույն տեղում, էջ 376:

⁴ Նույն տեղում, էջ 380—381:

Տեսիլք. «Ես սիւն գործեաց լոյսն շողացեալ, և ծագեաց ի մէջ ներքին սեանցն խարսխացած»⁵։ Մեկնութիւն. «Եւ զի ծագեաց լոյսն ի մէջ սեանցն շողացեալ, և բղխեցոյց զազրիւրն յորդարուլիս՝ զի ի կաթողիկէ եկեղեցոյն շնորհք Հոգւոյն...»⁶։

Մեկնութեան այս տողերից դժվար չէ կռահել, որ եթէ պատկերի շուրջ սյունները և դրանց կապող կամարները կաթողիկէն են, ապա տեսիլքում ցուցադրվածը կաթողիկէի պատկերն է։ Ուշագրավ է, որ երբ առաջագրվեց մի վարկած, ըստ որի տեսիլքում պատկերվածը Զվարթնոցի տաճարն է, Ք. Թորամանյանը գրեց. «Այս երազի այլաբանական նկարագրութենէն եթէ ուզենք եկեղեցիի մը շինութեան ճարտարապետական ծրագիր մը հանել, Զվարթնոցն ավելի կ'աւանդուի»⁷։

Այժմ բերենք երկրորդ փաստը ապացուցելու համար, որ էջմիածնի տաճարը կառուցվել է տեսիլքում տրված պատկերի օրինակով. «Հասանէր և յառաջի դաստակերտսն իւր, յոռտաստակն Այրարատեան գաւառին ի Վաղարշապատ քաղաք, ուստի նախ զառաջինն աստուածասաստ հրամանացն լինէր սկիզբն. ուր նախ նշարեացն և նշանակեալ կանգնեաց զնշան խաչին սրբոյ, ուր և սուրբ վկայքն Աստուծոյ զետեղեցան. և ի նոցա վկայարանսն կանգնեաց սեղանս Աստուծոյ ի հանգիստս սրբոցն. և զնկատեալ տեղին տանն Աստուծոյ շինեաց, զցուցեալն նմա ի տեսեալն, զյառաջագոյն դրոշմեալն իւր, և կանգնեաց անգ զեկեղեցին Քրիստոսի»⁸։

Քաղվածքը քաջածանոթ է։ Ուսումնասիրողները, հենվելով այս վկայութեան վրա, իրավացիորեն ընդունել են, որ կաթողիկէն կառուցվել է Հայաստանում քրիստոնեությունը պետական կրոն հռչակելու առաջին տարիներին։ Սակայն ինչքան էլ զարմանալի թվա, այստեղ չի «կարգացվել» ու բացարձակապես անտեղծվել է պատմիչի, մեր կարծիքով, հիմնական միտքը, սկզբունքային և էական այն տեղեկությունը, թե «զեկատեսիլ տեղին տանն Աստուծոյ շինեաց, զցուցեալն նմա ի տեսեալն»։ Կարծում ենք, որ այս փաստն հավելյալ բացատրության կամ մեկնաբանման կարիք չունի։ Ավելի պարզորոշ և միանշանակ պատմական տեղեկություն դժվար է երեւելու այնպիսի աստծո տան նշանակված տեղում շինեց, տեսիլքի մեջ իրեն ցույց տրվածը։ Ի դեպ, այս միտքն այնքան հստակ է ու միանշանակ, որ Ազաթանգեղոսի պատմության աշխարհարար թարգմանության մեջ մազալափ անգամ չի իմաստափոխվել՝ «նշանակված տեղում եկեղեցի շինեց» տեսիլքի մեջ իրեն ցույց տրվածը⁹։ Այստեղ նշենք միայն, որ «զեկատեսիլ տեղին տանն Աստուծոյ շինեաց» արտահայտության ավելի ստույգ թարգմանությունը, մեր կարծիքով, պետք է լինի «Աստծու տան նշանակված տեղում շինեց» և ոչ թե «նշանակված տեղում եկեղեցի շինեց»։

Իսկ ինչպես և ում կողմից են ստեղծվել առաջին տաճարներն ընդհանրապես։ Բերենք մի վկայություն միայն և որոշակի նկատառումով հենց Ազաթանգեղոսի պատմության «Վարդապետութիւն սրբոյն Գրիգորի» գլխից. «Քանզի և Մովսիսի նմանութիւն օրինակաւ տարրական խորանի ցուցաւ, ըստ որում կազմեաց խորան նիւթական, և ծղկիկի» տաճար, օրինակ տաճարի նոյնպէս և առաջին մարդոյն նմանութիւն անտարրական մարդակերպ երևեալ Աստուծոյ, զի արասցէ մարդ ի տարրական նիւթոյ՝ մերձավոր ճշմարտութեանն»¹⁰։ Միանգամայն պարզ է, որ Լուսավորիչը՝ մեր աշխարհի մարգարեն էլ, պիտի Աստծու կողմից տեսիլք տեսներ, և տեսիլքում նրան էլ պիտի ցույց տրվեր Հայոց աշխարհի առաջին եկեղեցու աննյութական տարրերից կազմված պատկեր-նախագիծը։ Եվ նա էլ պետք է նյութական տարրերից կաթողիկէ եկեղեցի կառուցեր և կառուցեր ճշմարտության օրինակով՝ «տեսիլքի մեջ իրեն ցույց տրվածով»¹¹։

5 Նույն տեղում, էջ 376։

6 Նույն տեղում, էջ 381։

7 Թորամանյան, Նյութեր հայկական ճարտարապետության պատմության, հ. 2, Երևան, 1948, էջ 45։

8 «Ազաթանգեղոս Պատմութիւն հայոց», էջ 424—425։

9 Ազաթանգեղոս, Հայոց պատմություն, աշխարհարար թարգմանությունը և ծանոթագրությունները Արամ Տեր-Ղեոնդյանի, Երևան, 1933, էջ 469։ Հարկ է նշել, որ թարգմանության հեղինակը համամիտ է մեզանում ընդունված այն տեսակետին, թե կաթողիկէն հիմնադրվել է բազիլիկ կառուցվածքով (տե՛ս ծանոթ. 427, էջ 516)։

10 «Ազաթանգեղոս Պատմութիւն հայոց», էջ 171։

11 Միջնադարի պատմագրության և մատենագիտության մեջ այս փաստը վիճարկող կամ միտող ոչ մի տեղեկության չենք հանդիպում։ Ավելին, XII դ. պատմիչ Սամվել Անեցու վկայու-

Ուրեմն Ագաթանգեղոսի վկայությամբ Գրիգոր Լուսավորչին տեսիլքում ցույց է տրվում էջմիածնի կաթողիկոսի պատկերը և, ամենակարևորը, որ Լուսավորչի կառուցել է հենց տեսիլքի մեջ իրեն ցույց տրվածը: Այսինքն. էջմիածնի կաթողիկոսն՝ Մայր տաճարը, կառուցվել է քառամյա զմբերավար հորինվածքով: Պատմագրական այս փաստը բացառիկ նշանակություն ունի հայ և ընդհանրապես քրիստոնեական ճարտարապետության պատմության համար իբրև վկայություն այն բանի, որ Հայաստանի առաջին եկեղեցին նախատեսվել է կառուցվել է քառամյա զմբերավար, հակառակ այն պնդման, թե քրիստոնեական առաջին եկեղեցիները եղել են միանավ կամ եռանավ կամ թե զմբերավար եկեղեցիների կառուցման սկիզբը V դարն է:

Մենք ունենք բացառիկ և սքանչելի մի փաստ՝ պատմիչի վկայությամբ մեզ է հասել աշխարհի առաջին քրիստոնեական եկեղեցու ծննդյան վկայականը, որ վավերացված է նրա հորինվածքի հիմնական ձևը, որովհետև է նրա պատկեր-նախագիծը: Առավել բացառիկ է այն փաստը, որ այսօր մեզ է հասել նաև այդ եկեղեցին և հասել է ճիշտ և ճիշտ պատմիչի վկայած քառամյա զմբերավար հորինվածքով:

Այս երկու փաստերի մեջ մազալափ անգամ անհամապատասխանություն չկա, դրանք միմիայն լուսնում և հաստատում են իրար: Անհամապատասխանության միակ կետը այս փաստերի և գոյություն ունեցող տեսակետի մեջ է: Ու թերևս այդ էր պատճառը, որ ուսումնասիրողները այս երկու փաստերը իրարից զատ կամ իրար կապելով շանացին հերքել և իբրև խնդրի լուծման հեշտ ճանապարհ պարզապես անտեսեցին: Այսօրինակ շանքերի շնորհիվ էր թերևս, որ վաղ շրջանի մեր պատմիչների նման, վաղ շրջանի ճարտարապետական հուշարձաններն էլ թափառեցին տարբեր դարերում:

Ագաթանգեղոսի պատմության մեջ կա և՛ Նիկիայի ժողովը, և՛ Լուսավորչի մահը: Անկասկած է, որեմն, որ պատմությունը գրվել է այն ժամանակ, երբ կաթողիկոսն վաղուց արդեն կանգուն էր: Այսինքն՝ պատմությունը շարադրելիս, ավելի ստույգ հենց մեզ հետաքրքրող տեսիլքը մեջբերելիս, վերաշարադրելու, շարադրելու կամ որ մեզ անհավանական է թվում՝ հորինելու ժամանակ պատմիչը աչքի առաջ ունեցել է Լուսավորչին կանգուն կաթողիկոս: Այս պարագայում անհնար է նույնիսկ մտածել, որ Ագաթանգեղոսի պատմության մեջ, տեսիլքում տրված կաթողիկոսի և կանգուն կաթողիկոսի միջև կարող էր անհամապատասխանություն լինել, այսինքն կառուցված լինել միանավ կամ եռանավ հորինվածքով, իսկ նկարագրվել զմբերավար: Մեզ հետաքրքրող խնդրի համար նույնիսկ էական էլ չէ, թե երբ է գրվել Ագաթանգեղոսի պատմությունը կամ տեսիլքը: Ընդունենք անգամ, որ այն գրվել է V կամ VII դարում, ապա միևնույն է, այս դեպքում էլ անվիճելի է, որ նկարագրությունը վերաբերում է միմիայն Լուսավորչին տաճարի նախատեսված ձևին: Պակաս կարևոր չէ նաև այն հանգամանքը, որ տեսիլքում է տրված կաթողիկոսի հորինվածքի նկարագրությունը: Ով և երբ էլ գրած լինել այս պատմությունը, նա գործ է ունեցել տեսիլքի հետ, աստիճան պատգամ-հրամանի հետ, իր ժամանակի բացարձակ ճշմարտության հետ: Եվ ոչ մի փաստ կամ առիթ չկա կասկածելու, որ կարող էր կեղծվել Լուսավորչի կառուցած տաճարի ձևը:

Ուրեմն մինչև այսօր ըստ է մեկնարկվել կամ անտեսվել է հայ և համընդհանուր արվեստի պատմության համար բացառիկ նշանակություն ունեցող Ագաթանգեղոսի այն վկայությունը, որ Գրիգոր Լուսավորչին տեսիլքում ցույց է տրվում քառամյա զմբերավար պետական կրոն հռչակած առաջին պետության՝ Հայաստան աշխարհի, առաջին եկեղեցու՝ կաթողիկոսի, պատկեր-նախագիծը, և թափառեցին կառուցում է «տեսիլքի մեջ իրեն ցույց տրվածով»՝ քառամյա զմբերավար հորինվածքով:

Այժմ դառնանք Ղազար Փարպեցու տեղեկությանը, որը հիմք է ծառայել այն վարկածի համար, ըստ որի իբր Լուսավորչին կաթողիկոսն վաղ միջնադարում քանդել են և կառուցել նորը: Տեղեկության այսօրինակ մեկնարանումը հայագետների ու ճարտարապետություն ուսումնասիրողների կողմից միշտ և այսօր էլ համարվում է այնքան անառարկելի ու անկասկած ճշմարտություն, որ եթե հարկ է եղել միայն մեկ-երկու խոսքով անդրադառնալ տաճարին, ապա անպայմանորեն վկայակոչել են փաստի ուժ ստացած այս մեկնարանությունը: Պատմիչը հայտնում է. «կատարելը զտվորական ուխտս և զպատարագս ի սուրբ եկեղեցույն կաթողիկոսի, զոր հիմնար-

թյամբ՝ հաստատվում է տաճարը ըստ տեսիլքի կառուցված լինելու իսկությունը. «Եւ նորոգեաց զտուն Աստուծոյ՝ այսինքն զսուրբ եկեղեցին: Զի մեծին Գրիգորի եղեալ էր զհիմն դայն, որպէս և ցուցեալ էր տեսլանն երեւցելոյ» (տե՛ս «Ս ա մ ու է լ ի Ա ն ե ց ո յ հ ա ա թ մ ո ն ք ի գրոց պատմագրաց», Վաղարշապատ, 1893, էջ 267):

Լրաբեր 7—6

կեալ նորոգեաց մեծապայծառ շքեղութեամբ զհնացեալ գործ նախնեացն իւրոց, քաղ ղօրավարն Հայոց Մամիկոնեանն Վահան¹²։ Ուսումնասիրողները «հիմնարկեալ նորոգեաց» արտահայտութիւնը գիտել են իբրեւ Վահան Մամիկոնյանի կողմից տաճարը հիմքից քանդելու և նորը կառուցելու փաստ, իսկ «զհնացեալ գործ նախնեացը»՝ իբրեւ տաճարի հնացած, ավերված լինելու հավաստում։

Փորձենք պարզել այս տողերի բնագրային իմաստը։ Նախ՝ վաղ շրջանի պատմագրութիւն մեզ եկեղեցու շինվածքը, կառույցը «գործ» բառով փոխարինելու օրինակի շնորհիւ հանդիպում, իսկ եթե լինի էլ՝ դա չի փոխում հարցի էությունը։ Մինչդեռ բազմաթիւ են այն օրինակները, որոնց հիման վրա կարող ենք պնդել, որ «գործ» նշանակել է՝ եկեղեցու կարգ, պաշտոն և այլն։ Այսպես, Բուզանդը Գրիգորիսի մասին գրում է. «Երբեք նորոգեաց անդ զեկեղեցիսն լուսաւոր կարգօք, առաջնոյն Գրիգորի՝ հօրն գործոցն նմանեալ» կամ՝ ներսես կաթողիկոսի մասին՝ «...բայց դու զգործս հօրն քո Գրիգորի, զնոյն առաջնորդութիւնն նորոգեա մեզ»¹³։ Որ փարպեցու մոտ սգործը բացառապէս ունի եկեղեցու կարգի և ոչ թե եկեղեցու շէնքի իմաստ, հաստատում է նաև հաջորդ, հոգնակի թվով տրված բառակապակցութեամբ՝ «գործ նախնեացն իւրոց»։ Ինչպես վկայում են մատենագրական բոլոր տեղեկութիւնները, Լուսավորչից սերված ե նրան հաջորդած հայոց բոլոր կաթողիկոսները մշտապէս նորոգել են հնացող կամ խախտվող եկեղեցական կարգերը։ Եվ հենց դա էր նրանց ավանդաբար շարունակվող գործը։ Այս իմաստով, ուրեմն, բնավ պատահական չէ «նախնեացն» հոգնակի ձևի օգտագործումը։ Եթե «գործը» վերաբերել եկեղեցու շէնքին, ապա պատմիչը պարտավոր էր օգտագործել և մաղաչափ անգամ կասկած չպետք է լինի, որ կօգտագործեր եզակի ձևը՝ նշելով միայն Լուսավորչին։ Փարպեցին քաղ գիտել, որ կաթողիկէ եկեղեցու շէնքը Գրիգոր Լուսավորչին էր կառուցել և ոչ թե Վահան Մամիկոնյանի բոլոր նախնիները միասին առած։ Հայ մատենագրութեան մեջ եկեղեցին, «գոր հիմնարկեալ նորոգեաց» արտահայտութիւնը շատ հաճախ և մեծ մասամբ ունի եկեղեցի-հաստատութիւնը՝ կարգը, պաշտոնը, հայրապետական աթոռը նորոգելու իմաստ։ Օրինակ. «Եւ եղև խաղաղութիւն և նորոգութիւն յաւուրս նորա ամենայն եկեղեցեաց. և յաճախէր շուք պատուի ամենայն եպիսկոպոսացն ընդ ամենայն տեղիս Հայոց մեծաց։ Եւ լուսաւորութիւն կարգի եկեղեցւոյ ամենապայծառ ծաղկեաց ամենամեծ լիութեամբ. կարգեցան կարգք կաթողիկէ եկեղեցեաց ամենայն վայելչութեամբ, և բազմացան կարգք սրբութեան պաշտամանցն և պաշտօնիցն յաճախութիւն։ Եւ բազմացուց զկարգս եկեղեցեաց՝ ի շէնս և յանշէնս. սոցն օրինակ բազմութիւնք կրօնաւորաց»¹⁴։ Կամ վերը բերված Գրիգորիսի վերաբերող օրինակը. «Նորոգեաց անդ զեկեղեցիսն լուսաւոր կարգօք...»։ Ուրեմն այս, ինչպէս նաև «զհնացեալ գործ նախնեացն» արտահայտութեան մեր պարզաբանումը, միանգամայն որոշակի են դարձնում և հավաստում, որ նորոգումը վերաբերում է կաթողիկէ եկեղեցի-հաստատութեանը, հենց տեքստում նշված ուստի ու պատարագին, և ոչ բն կաթողիկէ եկեղեցի-կառույցին։ Այս խնդրում պակաս կարևոր չէ նաև այն, որ Վահան Մամիկոնյանի ժամանակ եկեղեցական կարգն էր խախտված, և նրա գործը, նրա պատմական առաքելութիւնը հենց այդ խախտված կարգերի նորոգումն էր¹⁵։

Ղազար փարպեցին իր պատմութեան մէջ տարբեր տեղերում, երբ անգամ գրեթե նույնութեամբ, նույն բառերով և ձևով նկարագրում է Վահանի և ուխտապահ նախարարների այցը Վաղարշապատ՝ կաթողիկէ եկեղեցի, ուխտ ու պատարագ կատարելը և այնտեղից Դվին մեկնելը¹⁶։ Բնավ պատահական չէ, որ նորոգման մասին պատմիչը խոսում է հենց մեզ հետաքրքրող սարքերով։ Միայն մենք պետք է հասկանանք, որ այստեղ է, որ Պերողի մահվան լուրն առնելուց հետո Արլաց զորքը հրաման է ստանում թողնել և շտապ հեռանալ Հայոց աշխարհից։ Սա այն բաղձալի պահն էր, երբ Վահան Մամիկոնյանը հաղթում է և դրանով իսկ փրկում կործանման եզրին կանգնած քրիստոնեութիւնը՝ նորոգում էր նախնիների հնացած գործը՝ ուխտն ու պատարագը։ Հիշենք, որ հանուն սրա ղոհվեց հայոց սպարապետ Վարդան Մամիկոնյանը, «...քանզի լխորհէր ղյազ-

¹² «Ղազարայ փարպեցու Պատմութիւն հայոց և Թուղթ առ Վահան Մամիկոնեան», Թիֆլիս, 1907, էջ 345—346։

¹³ «Փաւստոսի Բիւզանդու Պատմութիւն հայոց», Թիֆլիս, 1912, էջ 17, 108։

¹⁴ Նույն տեղում, էջ 118—119։

¹⁵ Տե՛ս «Ղազարայ փարպեցու Պատմութիւն հայոց և Թուղթ առ Վահան Մամիկոնեան», էջ 354—355։

¹⁶ Նույն տեղում, էջ 310—311, 345—346, 389—390։

թուփեան ինչ անուն գտանել, այլ զհեղումն արեան անձինն ի վերայ շինութեան ուխտի եկեղեց-
ւոյ մնէր ըմբռնել¹⁷։

Եթե հաջիլի առնենք այն հանգամանքը, որ Վահան Մամիկոնյանի ժամանակ արդեն նենգ-
ված էր ուխտը, բազմաթիվ քրիստոնյաներ մոգություն էին ընդունել, բացվել էին խաբեբայության
դպրոցներ, կառուցվել էին բազմաթիվ ատրուշաններ ու մոխրատներ, ապա կարելի է՝ ենթադրել,
որ «զհնացեալ գործ նախնեացն իւրոց» արտահայտության մեջ «զհնացեալ» բառը պատմիչն
օգտագործել է բառի մյուս՝ «երբեմն եղլալ» կամ նույնիսկ «ապականված» իմաստով¹⁸։ Այսինքն
Վահան Մամիկոնյանը նորոգեց իր նախնիների այն գործը, որ երբեմնի եղած էր կամ այն, որ
ապականված էր։ Եթե նույնիսկ ասվածը վերաբերեր կոնկրետ շինարարական գործունեությանը,
կարծիք, որ շինք բաժանում, ապա Փարպեցու մոտ այս պարբերության մեջ նկարագրված հաջ-
ված օրերում կատարվող դեպքերի դինամիկ ընթացքը, նրանց անընդհատելիությունն ու սրըն-
թաց ուժով, Վահան Մամիկոնյանի բազում ձեռնարկումների ստույգ թվարկումը, ինքնին վկա-
յում են, որ «նորոգեաց»-ը չի կարող նշանակել շինվածքի սկզբունքային փոփոխություն, առա-
վել են հիմնի վեր կառուցում։ Բերենք մեզ հետաքրքրող պարբերությունը փոքր կրճատումով՝
միայն. «Եւ խօսեցեալ զայս Միհրանեանն Շապուհոյ և դեսպանին ընդ միմեանս՝ հրաման տային
զօրուն, և ըստ կարի օր ըստ օրէ լուոցն ճեպեալք՝ հասանէին յաշխարհն Պարսից։ ...Եւ զօրա-
վարին Հայոց Վահանայ Մամիկոնեան լուեալ զայս ամենայն բանս և զհամբաւս՝ յլստուծոյ
այցելութիւն ընկենոյր և՛ զիրս համբաւոյն և զիւր զաշխարհիս Հայոց զպէտս և զհոգոյնս, որ
գիտէն զիւրաքանչիւր ուրուք զպատշաճ և զօգուտ, և մատակարարէ ողորմութեամբ իւրով ըստ
ոգչախոհութեան խնդրողացն։ Եւ եկեալ հասանէր այնուհետեւ ի Վաղարշապատ քաղաք հանդերձ
ողջախոհութեան և անենեզ ուխտապահ նախարարօքն Հայոց. կատարէր զսովորական ուխտս և
զպատարագաւ ի սուրբ եկեղեցւոյն կաթողիկէի, զոր հիմնարկեալ նորոգեաց մեծապայծառ շքե-
ղութեամբ զհանգալ գործ նախնեացն իւրոց, քաջ զօրավարն Հայոց Մամիկոնեանն Վահան։ Եւ
ի տեղիս վկայարանացն նախ հատուցանելով զաղքատացն զպէտս՝ եւ ապա ինքեանք ուրախա-
ցեալք զտարճանային խնդութեամբ։ Եւ անտի լուեալ յոստանն ի Դուին մտանէին, և զաղարեալ-
անդ աւուրս՝ սպասէին և ակն ունեին հրամանի առաջնորդութեանն Քրիստոսի¹⁹։ Վահան Մա-
միկոնյանի նորոգման պարզորոշ և հստակ վկայությունը գտնում ենք նաև Ասողիկի մոտ. «Իսկ
Վահան զեկեղեցիս Աստուծոյ լուսազարդեալ նորոգէր, զպաշտօնեայս ուխտին մեծարելով, բա-
րեւէն զաշխարհս առնելով։ Նոյն և ի ժամանակս իշխանութեանն իւրոյ զմեծ կաթողիկէ եկեղե-
ցին որ ի Հայս՝ վերստին մեծապէս նորոգեաց, զդասս կրօնաւորացն բազմացուցանելով։— որ
Սուրբնայ անապատն ասի—վերակացու նոցա կարգեալ զՂազար Փարպեցի, ճարտասան՝ և պատ-
մագիր²⁰։ Միանգամայն պարզ է, որ, ուխտի պաշտոնյաներին մեծարելով՝ և կրօնավորների
զասը բազմացնելով, Վահան Մամիկոնյանը մեծապէս նորոգել է աստուծո եկեղեցի և կաթողիկէ
եկեղեցի հաստատությունները և ոչ թէ չենքերը։ Փարպեցու վկայության սխալ մեկնաբանություն-
ներ, որ, ինչպէս նշեցինք, ծնվեց ճարտարապետության պատմության տեսական կոհսկումներից,
ինքերցիայի այնպիսի ուժ ստացավ, որ ոչ միայն անվերապահորեն ընդունվեց ճարտարապետու-
թյան պատմության մասնագետների, հայագետների կողմից և մտավ «Հայ ժողովրդի պատմու-
թյուն» եւ «Հանրագիտարան»²¹, այլ և մուտք գործեց անգամ Ղազար Փարպեցու բնագրի աշ-
խարհարար թարգմանության մեջ. «զհնացեալ գործ նախնեացն իւրոցը», որ ընդամենը նշանա-
կում է թիւ նախնիների հնացած գործը, աշխարհարարում դարձել է թիւ նախնիների կառուցած
ու այժմ հնացած այդ եկեղեցիներ²²։ Դժվար չէ արդեն նկատել, որ «կառուցած», «ու այժմ»,
«այդ եկեղեցի» բառերը բնագրին խորթ հավելումներ են, ճարտարապետության պատմության

17 Նույն տեղում, էջ 125։

18 «Նոր բառգիրք Հայկազեան լեզուի», հ. II, Երևան, 1981, էջ 106—107։

19 «Եւ ազարայ Փարպեցու Պատմութիւն հայոց և Թուրք առ Վահան Մամիկոնեան»,
էջ 345—346։

20 «Ստեփանոսի Տարօնեցու Ասողկան Պատմութիւն տիեզերական»,
Ս. Պետերբուրգ, 1885, էջ 81—82։

21 «Հայ ժողովրդի պատմություն», Երևան, 1964, էջ 205, 572, «Հայկական սովետական
հանրագիտարան», հ. 4, Երևան, 1978, էջ 72։

22 Ղազար Փարպեցու, Հայոց պատմություն, Թուրք Վահան Մամիկոնյանին, աշխար-
հարար թարգմանությունը Բագրատ Ուլուրարյանի, Երևան, 1982, էջ 381։

տեսական ախալ կոաչումների արձագանքը՝ Սակայն, եթե մի պահ անտեսենք մեր բերած փաստարկները և անգամ ընդունենք, որ Փարպեցու խուրը վերաբերում է կաթողիկե կառույցին, ապա միևնույն է, ոչ մի հիմք չկա «հիմնարկեալ նորոգեաց» արտահայտությանը, որն ունի միայն ու միայն հիմնովին նորոգելու իմաստ, վերադրել հիմքից քանդելու և նորը կառուցելու, այսինքն հիմնադրելու, շինելու իմաստ։ Եվ դա այն դեպքում, երբ հայտնի է, որ նույնիսկ «շինել» բառը կարող է ունենալ վերականգնման, նորոգման իմաստ։

Մենք չենք բացառում, որ Վահան Մամիկոնյանի կողմից կամ նրա օրոք կաթողիկեի շինքը կարող է նորոգված լինել, ժամանակ առ ժամանակ պիտի նորոգվեր, գուցե և նորոգվել է։ Մեր պնդումն այն է, որ Ղազար Փարպեցու վերը բերված հատվածում և նրա պատմության մեջ ընդհանրապես կաթողիկե եկեղեցու շինքի հնացած լինելու, նորը կառուցելու, վերականգնելու և նույնիսկ նորոգելու մասին խոսք անգամ չկա։ Ուրեմն այսօր մեզ ճառած Մայր տաճարի Գրիգոր Լուսավորչի կառուցածը չճամառելու և Վահան Մամիկոնյանին վերագրելու առաջին պատասխարը՝ ճեղքվում է՝ իրեւ պատմագրական վկայության օխալ մեկնաբանությամբ արդյունք։

Մյուս հիմնական փաստարկի համար հիմք են ծառայել տաճարում 1950-ական թվականներին պեղումներից հայտնաբերված մանրամասները՝ արևելյան խորանի արտիդի մնացորդներ, դուրեթակիր մույթերի առաջին շարք խորիսխներ, պատարագի վեմ քար, խճանկարի բեկորներ։ Ուսումնասիրողները սրանք մեղ հասած տաճարից ավելի հին անվանեցին և վերագրեցին (Լուսավորչաշեն տաճարին)։ Դրանով իսկ վերջնականապես ապացուցված համարեցին այն վարկածը, թե մեղ հասած շինքը Վահան Մամիկոնյանի կառուցածն է։ Սրանով ապացուցված համարվեց նաև Ղազար Փարպեցու իրենց մեկնաբանությունը։ Բացված կրակարանի մասին հայտնեցին այն կարծիքը, թե այն IV—V դարերում պարսիկներն են կառուցել, չբացառելով նաև, որ կրակարանը կարող էր գոյություն ունենալ լինել մինչև եկեղեցու կառուցումը²³։ Սակայն Մայր տաճարի սպասավորները և զբոսաշրջիկներին ուղեկցողները, հայտնի չէ, թե որ ուսումնասիրության կամ ում կարծիքի հիման վրա, հայտնաբերված նյութը համառոտ են երկայացնում էին իբրև կոաչաշտ հայերի հեթանոսական կառույցի մնացորդներ։ Սակայն ավելի զարմանալիս այն էր, որ այս կարծիքը ընդունեցին և շրջանառության մեջ դրին ճարտարապետության պատմության մասնագետները²⁴։

Տաճարում հայտնաբերված մնացորդների մասին զաղափար կազմելու համար միանգամայն բավարար է դեմքով կանգնել դեպի խորանը, որպեսզի պարզ լինի հետևյալը՝ առաջին. կրակարան կամ ատրուշան կոչվածը, որ գտնվում է ոչ թե արտիդի կենտրոնում, ինչպես նշում են, այլ նրա առանցքից աջ՝ սովորական մի թոնիր է։ Ուշագրավ է, որ մոխրով լիքը մի կարասս էլ կա ճիշտ և ճիշտ առանցքի վրա, սակայն արդեն արտիդից դուրս։ Դժվար է ասել. արտիդից դուրս գտնվելու հանգամանքը, թե՛ կրկնակի «ատրուշան» լինելու փաստն է եղել պատճառը, որ այդ մոխրով լիքը կարասը «վրիպել» է ուսումնասիրողների աչքից։ Երկրորդ. «արտիդի ցտորին շարք» կամ «արտիդի հիմք» կոչվածը, որ այսօրվա խորանի ճիշտ և ճիշտ նույն պարագծով ձգվող մի շարք է միայն, ոչ ամբողջությամբ պահպանված, մի ժամանակ խորանին հպված աստիճանաձև, թերևս նստարանների, ստորին շարքն է եղել։ Արևելյան խորանում ուսումնասիրողների նշած որևէ կառույցի հիմք կամ հիմքի մնացորդ գոյություն չունի։ Երկրորդ. խորանի երկու անկյուններում տեղադրված խորիսխների դեպի խորան նայող երկու տրամադված ճակատները տաշված են։ Տաշված խորիսխներն ու պահպանված այդ շարքը միևնույն մակարդակի վրա են գտնվում և դժվար չէ կոահել, որ տրամադները տաշվել են աստիճանաձև նստարանների հաջորդ շարքերը խորանի պատին հպելու համար։ Երկրորդ. խորանի երկու անկյուններում տեղադրված խորիսխները ինքնին մատնանշում են խորանի հատակի սկզբնական մակարդակը։

Այս փաստերը բավական ակնառու են, և զարմանալի է, թե ինչպես պեղողներից, հատուկ հրավիրված պաշտոնական հանձնախմբի անգամներից, դրանից հետո ու մինչև օրս տաճարի մասին կարծիք հայտնող մասնագետներից և ոչ մեկը չի նկատել վերը բերված բացահայտ փաստերը, և 30 տարի շարունակ գրվել, կրկնվել ու ընդունվել է մի բան, որ տաճարում պար-

²³ Ա. Ս. Սահյան, էշմիածնի Մայր տաճարի սկզբնական տեսքը («Պատմա-բանասիրական հանդես», 1966, № 3, էջ 75)։

²⁴ Կ. Հովհաննիսյան, Ճարտարապետական հուշարձանների վերանորոգումը Սովետական Հայաստանում, Երևան, 1978, էջ 94։ Վ. Հարությունյան, էշմիածնի գանձերը, էշմիածնի, 1984։

դասակարգությունը շուտով Բերված փաստերը վկայում են, որ մեզ հասած տաճարն ավելի վաղ է կառուցվել, քան «Լուսավորչաշեն» կամ «ճեքանոսական» կառված շենքի մնացորդները: Ուրեմն՝ նայունաբերված արքայի մնացորդները (և պատարագի վիմ քարը) ոչ Լուսավորչաշեն են, և ոչ Լուսավորչաճեքանոսական, այլ պարզապես Լուսավորչի կառուցած տաճարում արված հետագա հավելում են: Այս տեսակետը չի փոխում եղած այն կարծիքը, թե զմբեթակիր յուրթերի ներքևի խարխուլները և հայտնաբերված խճանկարը պատկանել են Լուսավորչաշեն տաճարին: Դրանք, անկասկած, Լուսավորչաշեն տաճարին են, սակայն ոչ թե լինել որ ժամանակ գոյություն ունեցած», այլ այսօր մեզ հասած տաճարին: Ինչ վերաբերում է թոնրի և հատկապես յուրթի լիքը կարասի առկայությանը, ապա հարկ է նկատել, որ սա եզակի փաստ չէ, նմանական կա նաև Թանահատի և Փասաղի հուշարձաններում: Հարցը կարոտ է մանրագնի քննության, թեև այժմ էլ կարող ենք ասել, որ տաճարում յուրթի թաղելը չպետք է անվերապահորեն կապել ատրուշանի կամ պարսկական կրոնի հետ. բավարար հիմք կա նեոպոլիտի, որ այն կապված է եղել հենց քրիստոնեական ծեսի կամ սովորույթի հետ, և ուրեմն դրանք կարող էին դրված լինել տաճարի կառուցման ժամանակ կամ էլ հետագայում: Բացառված չէ նաև, որ թոնիրը, հատկապես այս դեպքում, եկեղեցու հետ կապ չունի: Այն կարող էր ինչ-որ ժամանակ սարքված և օգտագործված լինել հենց որպես թոնիր:

Ուրեմն մեզ հասած Մայր տաճարը Լուսավորչի կառուցած շամարելու և Վաճաճ Մամիկոնյանին վերագրելու երկուսից՝ իրենցին պատկանող համարվող փաստերից, նույնպես հերքվում է՝ իրեն փաստական նյութի սխալ մեկնաբանման արդյունք:

Այսպիսով, մենք փորձեցինք համառոտ ներկայացնել քրիստոնեական ճարտարապետության առաջնիկի՝ ՀՀ Իրաժնի Մայր տաճարի, ուսումնասիրության պատկերը և ցույց տվեցինք, որ տաճարը Լուսավորչաշեն շամարելու համար բերված հիմնական փաստարկները սխալ են, անհիմն: ՀՀ Իրաժնի Մայր տաճարի մասին մեր եզրակացությունը, եթե ներկայացնենք Մ. Արքեպիսկոպոսին և ձևակերպամք (որը վերաբերում է Մովսես Խորենացու ժամանակը վերաբերող գիտական տուրևառություններին), ապա կլինի հետևյալը. այս բոլոր փոխադարձ հերքումներից, սխալումներից ու բացառումներից հետո մեր առաջին և Մայր տաճարին էլ ուրիշ բան չի մնում անել, բայց եթե ես փաշտել ու նստել իր հին ու բնական տեղում—IV դարի առաջին տարիներին:

ЭЧМИАДЗИНСКИЙ КАФЕДРАЛЬНЫЙ СОБОР

В. А. ГРИГОРЯН

Резюме

В научных исследованиях по истории армянской архитектуры в течение последних восьмидесяти лет устоялась точка зрения, согласно которой армянская церковная архитектура развивалась по пути постепенного усложнения простых форм. Исследование Эчмиадзинского собора показывает, что эта главенствующая и безоговорочно принятая точка зрения,—результат упрощенного взгляда на процесс развития, и потому созданная на этой основе картина развития армянской христианской архитектуры, а также принятые датировки многочисленных памятников раннего периода представляются полностью неприемлемыми.

Историографические данные и анализ памятника доказывают, что Кафедральный собор, построенный Григорием Просветителем, дошел до нас в своей первоначальной и основной объемно-пространственной композиции и со дня основания не подвергался перестройке (за исключением купола) или какому-либо принципиальному изменению.